

謫請速拿來與思曾等憑閱推斷司書朴桓近多寵鄙之事決不可  
為此職請速迎傳曰慶世仁朴桓事依啓楊原君李夢麟韓洽事不允金  
瑚事以李思曾供招見之金瑚似為非矣然方面重任之人非緊急之  
事而拿推未便姑令其道監司推考○夜東方坤方巽方南方有氣如  
火○丙戌 御朝講○臺諫啓前事不允○慶尚道豐基高靈兩電○  
丁亥臺諫啓前事不允○以丁應斗為弘文館正字○戊子 聽啓覆  
幼學趙守驥毆打繼母罪三覆依允○臺諫啓前事不允○己丑臺諫  
啓前事不允

六月庚寅朔傳曰各道驛丞皆是微賤之人故率以徵歛為事而督責  
郵吏凋殘日甚往者訪問驛吏願置察訪者多故各道驛丞今多變為  
察訪予意一國設官或察訪或驛丞似為未便考其官案則為驛丞者  
七處其數不多今若盡祛驛丞而皆設察訪則恐不至如吏胥之侵虐  
也以此議于大臣○領議政金謹思議各司書吏去官後驛丞除授乃  
計功酬勞 祖宗朝美意載在大典行之已久而除丞者率皆無識貪  
殘之類予計前程多行弊事故因下吏之願擇要路巨處數驛革丞  
而為察訪此乃一時權宜救弊之意今若因一時之弊革丞而皆為察